

ROLEX



MICHELSEN
 ÚRSMÍÐIR SÍÐAN 1909
 Laugavegur 15 - 101 Reykjavík - 511 1900 - www.sviss.is

MARKAÐURINN

Sögurnar... tölurnar... fólkíð...

Göngum hreint til verks!
GUDJÓNÓ
 VISTVÆN PRENTSMÍÐJA
 Sími 511 1234 • www.gudjono.is

Miðvikudagur 11. mars 2009 – 10. tölublað – 5. árgangur

Veffang: visir.is – Sími: 512 5000 **visir**

Finnur Oddsson
 Kreppan og leiðir fram á við



Traustir Færeyingar
 Bjóða Íslendingum tryggingar



Edda Rós Karlsdóttir
 Sér ekki fyrir endann á fjármálakreppunni



VERSLUN SKIFUNNAR Sena var síðasta fyrirtækið sem Straumur seldi áður en ríkið tók bankann yfir. Aðrir bankar segja fyrirtækjasölu í biðstöðu. MARKAÐURINN/PIETUR

Ekkert til sölu í bili

Ekkert fyrirtæki er í formlegu sölufarli hjá viðskiptabönkunum þremur. Viðmælendur Markaðarins segja fyrirtækjasölu í biðstöðu nú um stundir. Samkvæmt upplýsingum frá Landsbankanum er þess beðið að umsýslufélög komist á koppinn sem muni sjá um ferlið. Bankarnir hafa allir boðað stofnun slíkra félaga.

Straumur seldi Senu í síðustu viku og Íslandsbanki (áður Glitnir) Árvakur fyrir hálfum mánuði. Bankinn seldi hópi fjárfesta 51 prósent hlut í Skeljungu í lok ágúst í fyrra en situr enn á 49 prósentum í olúfúlaginu. Ekki liggur fyrir hvort bankinn hyggist losa sig við hlutinn í bráð. - jab

Útlendingar áhugalitlir

Útlendingar hafa verið áhugalitlir um útboð ríkisvixla- og bréfa en áhugi innlendra aðila hefur verið meiri. Þetta kemur fram í samantekt Greiningar Íslandsbanka.

Þar er vísað í yfirlit Seðlabanka Íslands yfir lánamál ríkisins, en þar kemur fram að útlendingar keyptu aðeins um 0,7 milljarða króna í útboði ríkisvixla um miðjan febrúar, en alls voru 10 milljarðar króna seldir í útboðinu.

Þá héldu erlendir fjárfestar sig alfarið frá útboði tveggja lengstu ríkisskuldabréfaflokkanna, sem er í takti við takmarkaðan áhuga útlendinga á skuldabréfaflokkum með langan líftíma. -bj

HELST Í ÚTLÖNDUM

Verðhjóðunin í Kína | Vöruverð í Kína lækkaði í febrúar í fyrsta sinn í sex ár. Neysluverðsvísitalan lækkaði um 1,6 prósent í mánuðinum. Þessi þróun undirstrikar hve erfitt efnahagsástandið er í þessu þriðja stærsta hagkerfi heims.



Oliuverð hækkar | Oliuverð var komið upp í næstum 48 dollara á fatið í gær. Talið er að OPEC-ríkin ætli að tilkynna innan fárra daga að dregið verði úr framleiðslu á olíu, en þau hafa þegar minnkað framboðið töluvert.

Jenið lækkar | Japanska jenið heldur áfram að lækka gagnvart dollar og evru. Þetta eru góð tíðindi bæði fyrir útflutningsfyrirtæki í Japan og fyrir Íslendinga sem skulda í jenum.

Atvinnuleysi eykst | Atvinnuleysi í Bandaríkjunum mældist 8,1 prósent í febrúar og hefur ekki verið meira í aldarfjórðung, eða síðan 1983. Samkvæmt samantekt Bloomberg-fréttastofunnar spá sérfræðingar því að atvinnuleysið þar í landi fari upp í 9,4 prósent á þessu ári.

Bjartsýni í Sviss | Seðlabankastjórnar nokkurra landa hittust í Sviss og sögðust heldur bjartsýnni á horfurnar en þeir hafa leyft sér undanfarið. Þeir telja botni kreppunnar brátt náð og eftir það liggja leiðin hægt upp á við.

Peningar á leiðinni

Straumur hóf að losa um eignir þegar halla tók undan fæti í haust. Fyrsta uppskeran ætti að skila sér í dag.

Jón Aðalsteinn Bergsveinsson
 skrifar

Svo gæti farið að allt að 192 milljónir evra hið minnsta, jafnvirði um 27,5 milljarða króna, falli í skaut skilanevndar Straums vegna eignasölu bankans upp á síðkastið, samkvæmt heimildum Markaðarins.

Þetta er meðal annars vegna sölu bankans á pólska símafyrirtækinu Netia, sem gekk í gegn á föstudag í síðustu viku og skilar sér til bankans í dag. Allt er tilbúið fyrir sölu á bresku ferðaskrifstofunni XL Leisure Group en áætlað söluandvirði, sem von er á að skili sér eftir næstu mánaðamót, nemi rúnum 60 milljónum evra. Þá er áætlað að kanadíska frysti- og kælivörfyrirtækið Versacold, sem hefur verið í sölufarli síðan á fyrri hluta síðasta árs, geti skilað hundrað milljónum evra í búið.

Skilanevnd Fjármálaeftirlitsins tók lykjavöldin í fjárfestingabankanum á mánudagsmorgun eftir að Seðlabankinn neitaði honum um lán upp á átján milljónir evra, um 2,5 milljarða króna, til að mæta greiðslu á láni upp á 33 milljónir evra sem féll á gjalddaga á mánudag. Bankinn lánaði Straumi 133 milljónir evra, tæpa 19 milljarða króna á núvirði, í desember í fyrra.

Gylfi Magnússon viðskiptaráðherra sagði í samtali við Fréttablaðið í gær að stjórnendum bankans hefði átt að vera ljóst hvert stefndi. Hefði Fjármála-

eftirlitið ekki gripið í taumana hefðu breskir kollegar þeirra gert það.

Eins og fram kom í Fréttablaðinu í gær var lán Straums afar lítið í samanburði við þá gjalddaga sem fram undan eru. Bankinn á að greiða 329 milljónir evra á þessu ári en 412 milljónir á því næsta. Þar af eru tæpar 290 milljónir evra á gjalddaga á fyrri hluta þessa árs. Fram hefur komið að bankinn ætlaði að greiða erlendar skuldir með sölu erlendra eigna.

Alþjóðlega matsfyrirtækið Fitch felldi lánsþæfis-einkunn Straums úr B í D, en það merkir að bankinn er gjaldþrota en fyrirtækið telur að ekki sé hægt að reiða sig á að kröfur bankans fái greiddar.

Ekki náðist í Gylfa Magnússon þegar eftir því var leitað í gær. Gunnar Haraldsson, stjórnarformaður Fjármálaeftirlitsins, sagði að verið væri að fara yfir málið.

ÚRVALSVÍSITÖLUR ALDREI LÆGRI

Báðar Úrvalsvísitölurnar í Kauphöllinni fengu skell eftir þjóðnýtingu Straums á mánudag og hafa aldrei verið lægri í lok dags og í gær. Gamla Úrvalsvísitalan (OMX115) endaði í 284 stígum en sú nýja (OMX16) endaði í tæpum 585 stígum.

Straumur verður tekinn úr nýju Úrvalsvísitölunni í dag. Félögum í vísitölunni mun þó ekki fækka við það því færeyski bankinn Föroya Bank fer inn í skiptum fyrir fjárfestingabankann. Nokkur stærðarmunur er á bönkunum. Á föstudag í síðustu viku var markaðsverðmæti Straums 17,7 milljarðar króna. Markaðsverðmæti færeyska bankans var hins vegar einn milljarður króna í lok dags í gær.

Ódýrt að búa í Reykjavík

Samkvæmt nýbirtri könnun tímaritsins Economist er Reykjavík fallin úr hópi dýrustu borga heims. Verður líklega neðar á lista í næstu könnun.

Reykjavík er döttin úr hópi dýrustu borga heims að búa í. Í fyrra mældist hún sú fimmta dýrasta í heimi, árið þar áður sú sjötta dýrasta, en er nú í ár komin í 67. sæti samkvæmt mælingu tímaritsins Economist.

Reykjavík er þar með næstóðyrasta borg Vestur-Evrópu, næst á eftir Manchester í Bretlandi, sem lenti í sjötugasta sæti á heimsvísu.

Athygli vekur að könnunin var gerð í september í fyrra, mánuði fyrir bankahrunið mikla. Reykjavík væri því væntanlega komin miklu neðar á listann væri sambærileg könnun gerð nú.

Dýrasta borg heims, samkvæmt könnuninni, er

líkt og fyrri ár Ósló, höfuðborg Noregs. Sú næstdýrasta er París en þar á eftir koma Kaupmannahöfn, Helsinki og Frankfurt. Í sætum 6 til 10 eru Tókíó, Zürich, Ósaka Kobe, London og Vínarborg.

Íbúar í Reykjavík finna að vísu varla muninn, en ferðalangar hingað njóta góðs af því að krónan hefur hrunið í samanburði við aðra gjaldmiðla.

Economist gerir árlega verðsamanburð á 140 borgum víðs vegar um heim. Í hverri borg fara útsendar tímaritsins á stúfana að kanna verð á 160 vörutegundum, allt frá brauði til glæsibifreiða. Síðan er vísitala reiknuð út fyrir hverja borg, byggt á vegnu meðaltali verðupplýsinganna. -gb

TOM FORD

PRADA

ROBERTO CAVALLI

JUST CAVALLI

CUTLER AND GRO

TOM FORD

BELLINGER

ROBERT LA ROCHE

RALPH LAUREN

FRÍAR SJÓNMAELINGAR TIL PÁSKA

Pantaðu tíma:
SMÁRALIND 528 8500
KEFLAVÍK 421 3811

Optical Studio
 SMÁRALIND • LEIFSSTÖÐ • KEFLAVÍK

GENGISPRÓUN

	Vika	Frá áramótum
Alfesca	-13,5%	-23,8%
Bakkavör	-7,0%	-30,5%
Eimskipafélagið	0,0%	-40,0%
Icelandair	-6,6%	-14,3%
Marel	4,7%	-31,2%
SPRON	0,0%	0,0%
Straumur	-99,4%	-99,5%
Össur	-17,0%	-26,8%

*Míðað við lokagengi í Kauphöll í gær.
Úrvalsvísitalan OMXI15 224
Úrvalsvísitalan OMXI6 584

Litlar upplýsingar um leigumarkað

„Það vantar betri upplýsingar um íbúðaleigumarkaðinn,“ segir Svanur Guðmundsson, formaður Félags löggildra leigumíðlara. Samtökin eru rétt farin af stað en þau voru stofnuð fyrir um hálfum mánuði.

Svanur segir aðstæður slíkar í dag að leigusamningum hafi fjölgað mjög mikið og séu þeir orðnir fleiri en kaupsamningar. Erfitt sé hins vegar að segja til um umfang íbúðaleigumarkaðarins þar sem yfirsýn skorti nú um stundir þvert á þarfir.

Hann segir upplýsingarnar liggja á borðum yfirvalda,



svo sem hjá sýslumanninum í Reykjavík, en erfitt að nálgast þær þegar þörf krefji.

Samtökin horfa til þess að bæta úr upplýsingaskortinum, að sögn Svans. „Við viljum að þeir opinberu aðilar sem eiga að gera þetta vinni vinnuna sína,“ segir hann. Að sama skapi ætla samtökin að safna saman upplýsingum og koma þeim áleiðis til opinberra aðila til að bæta þar úr.

SVANUR GUÐMUNDSSON
Félag löggildra leigumíðlara vill bæta upplýsingar um íbúðaleigumarkaðinn.

Tvöfaldaðist milli mánaða

Heildarviðskipti með hlutabréf í Kauphöllinni námu sex milljörðum króna í febrúar. Veltan var 303 milljónir króna á dag, sem er rúmlega tvöfalt meira en í janúar.

Markaðsvísitala skráðra félaga var 192 milljarðar í lok febrúar. Úrvalsvísitalan stóð í 839,76 stigum og heildarviðskipta aðalmarkaðar í 468,02 stigum.

Heildarviðskipti með skuldbréf námu alls 193 milljörðum í febrúar. Það jafngildir 9,7 milljörðum á dag, sem eru mestu viðskiptin frá október 2008.

- bj

Bjartsýn á horfur Teymis

„Við höfum lengi vitað af því að ábyrgðin gæti fallið á okkur. Hún kemur ekki á óvart,“ segir Þórdís Sigurðardóttir, stjórnarformaður Teymis, um skuldabréfaflokk upp á 2,7 milljarða króna sem féll á félagið í kjölfar sölu Íslenskrar afþreyingar á Senu í síðustu viku.

Engar skuldir fylgdu Senu til nýrra kaupenda og falla skuldbindingar á herðar Íslenskrar afþreyingar að skuldabréfaflokknum undanskildum.

Þórdís segir ljóst að skuldir Teymis hafi hækkað upp á síðkastið og eiginfjárhlutfallið sé mjög lágt. Þörf sé á fjárhagslegri endurskipulagningu.

Teymi, sem var afskráð í fyrra, tapaði 5,5 milljörðum króna á fyrri hluta síðasta árs. Skuldir námu 35 milljörðum króna og var eiginfjárhlutfall átján prósent.

Teymi fundaði með kröfuhöfum



ÞÓRÐÍS SIGURÐARDÓTTIR

í desember og þá lá fyrir að félagið gæti ekki staðið við allar skuldbindingar. Landsbankinn er stærsti kröfuhafi Teymis.

„Ég hef reynt að halda Teymi saman og búa til áætlun sem geri kröfuhöfum kleift að fá allar sínar kröfur til baka. Ég er mjög bjartsýn á það,“ segir Þórdís.

- jab

Traustir Færeyingar bjóða tryggingar

Færeyskt félag vill hefja hér starfsemi fyrir árslok. Markmiðið er að bjóða samkeppnishæft verð.

Guðrún Helga Sigurðardóttir
skrifar

Færeyska tryggingafélagið Føroyar, TF, ætlar að hefja starfsemi á íslenskum tryggingamarkaði fyrir lok þessa árs. Félagið hefur einkum áhuga á því að kaupa íslenskt tryggingafélag og hefur átt viðræður við VÍS, TM og Sjóvá í því skyni. Einnig kemur til greina að opna hér útibú, stofna nýtt tryggingafélag eða hefja beina sölu á tryggingum. Félagið kynnti þessi áform sín í gær.

Edvard Heen, framkvæmdastjóri Føroyar, segir að almenningur á Íslandi leiti nú eftir viðskiptum við fyrirtæki sem þeir geti treyst. TF vilji koma opið og heiðarlega fram og upplýsa Íslendinga um áhuga sinn og fyrirætlanir. Þetta sé félag sem hægt sé að treysta auk þess sem það geti boðið samkeppnishæft verð. Tryggingaverð sé heldur lægra í Færeyjum en á Íslandi.

Heen segir að til greina komi að kaupa sig inn í tryggingafélag hér og það geti gengið hratt fyrir sig, eða hægt. Hugsanlega skýrist þetta eftir mánuð. Markmiðið sé hins vegar að hefja starfsemi innan árs. TF hafi lengi haft áhuga á því að færa út kvíarnar erlendis og unnið að því nú í tvö ár að koma inn á íslenskan markað. Það hafi því ekki verið spurning um hvort heldur hvenær félagið myndi koma hingað.

„Við erum ekki hér vegna kreppunnar eða til að koma á brunaútsölu heldur vegna langtímamarkmiða. Við teljum að rekstrarumhverfið hér sé svipað því sem við höfum í Færeyjum,“ segir hann.

Að baki TF stendur sterkt félag, að sögn Heen, þar sem hinn almenni tryggingataki í Færeyjum á um leið í félaginu, svipað og í Samvinnutryggingum hér áður fyrr. Heen segir að félagið standi fjárhagslega sterkt og vilji setja verulegt fjármagn í að kaupa sig inn á íslenska markaðinn. Hann segir að auðvitað sé einhver takmörk á því hvað félagið setji mikla peninga í þetta en horfa verði á það í samhengi.

„Við getum verið að tala um verulega margar milljónir í dönskum krónum,“ segir hann og telur eðlilegt að TF kanni samstarf við íslenska banka um að koma inn í íslenskt tryggingafélag. Félagið hafi



VILJA OPIN SAMSKIPTI Edvard Heen, framkvæmdastjóri færeyska tryggingafélagsins Føroyar, segir að félagið stefni að því að hefja starfsemi á íslenskum markaði fyrir árslok. Félagið vilji hafa opin og heiðarleg samskipti á íslenskum markaði og tilkynni því fyrirætlanir sínar nú.

MARKAÐURINN/ANTON BRINK

þegar hitt Gylfa Magnússon viðskiptaráðherra og hann hafi boðið Færeyinga velkomna. Þá hafi félagið átt í viðræðum við íslenska banka.

„Við erum ekki hér til að vera gráðug. Við erum með fé og erum tilbúin til að fjárfesta því að við teljum að Íslendingar verði fljótir að rífa sig upp úr kreppunni. Húsin verða hér áfram, bílarnir og skipin. Okkar markmið er að verða hluti af íslensku samfélagi,“ segir Heen.

Skuldir hins opinbera 301 milljarður króna

Skuldir ríkis og sveitarfélaga voru um 301 milljarður króna í árslok 2008, samkvæmt bráðabirgðatölum Hagstofunnar um fjármál hins opinbera. Skuldirnar námu sem svaraði 20,5 prósentum af landsframleiðslu.

Í árslok 2007 var hrein peningaleg eign ríkis og sveitarfélaga um 11 milljarðar, og munurinn því 312 milljarðar króna, eða um 21,4 prósent af landsframleiðslu.

Peningalegar eignir ríkis og sveitarfélaga námu 1.065 milljörðum króna í árslok 2008, en heildarskuldirnar voru 1.366 milljarðar króna.

Tekjur hins opinbera voru 637 milljarðar króna árið 2008, sem er aukning um tæplega 13 milljarða milli ára. Tekjurnar voru um



SKATTAR Tekjur ríkis og sveitarfélaga jukust um tæplega 13 milljarða króna milli ára.

MARKAÐURINN/STEFAN

43,5 prósent af landsframleiðslu, samanborið við 44,6 prósent árið áður.

- bj

FIMMTUDAGINN 12. MARS

STEFNA STJÓRNVALDA TIL FRAMTÍÐAR?

Áherslur stjórnvaldaflokkanna

Nánar á Viðskiptaþingi 2009 - Endurreisn hagkerfisins

Skráning og nánari upplýsingar á www.vi.is og í síma 510-7100



VIÐSKIPTARÁÐ
ÍSLANDS

1989-2009



Teris kynnir nýjan vef - www.teris.is

Vefurinn er einn af fyrstu vefum á Íslandi sem unnin er í SharePoint.

Í Teris er hópur sérfræðinga sem hafa sérhæft sig í MOSS lausnum Microsoft en vefurinn var alfarið unninn af starfsfólki Teris.

Við erum snillingar í SharePoint

Teris býður upp á eftirfarandi þjónustu vegna vefa í MOSS 2007:

- Uppsetning vefa
- Útlitshönnun
- Ráðgjöf
- Verkefnastjórnun
- Kennsla
- Útfærsla á sérlausnum
- Samþætting við ytri gagnagrunna
- Hýsing og rekstur

Starfsemi Teris byggir á þjónustu, þekkingu og öryggi



Dökkar horfur í efnahagsmálum

Vísendingar eru um að lengri tíma taki fyrir alþjóðlega markaði að rétta úr kútnum en spáð var í upphafi. Jón Aðalsteinn Bergsveinsson rýndi í nýjustu alþjóðlegu hagspánnar og spjallaði við Eddu Rós Karlsdóttur, hagfræðing hjá Landsbankanum, um horfurnar.

Við erum í svolítið skrítni stöðu. Við höldum í byrjun árs að búið væri að grípa til aðgerða sem dygðu til að koma fjármálageiranum fyrir horn. Nú er ljóst að svo var ekki," segir Edda Rós Karlsdóttir, hagfræðingur hjá Landsbankanum, um horfur í efnahagsmálum á heimsvísu.

Edda Rós segir horfur enn slæmar og ekki sjái fyrir endann á fjármálakreppunni í allra nánustu framtíð. Hún bendir á að eignaverð sé enn að lækka víða um heim og hafi það áhrif á fjármálastofnanir og raunhagkerfið.



EDDA RÓS KARLSDÓTTIR
Hagfræðingur hjá Landsbankanum telur að kreppunni ljúki ekki hér fyrir en það sjái til sólar í alþjóðlegu efnahagslífi.

Það hafi skilað sér í viðvarandi skorti á trausti, erfiðleikum eða skila með hallarekstri, því einkaaðilar treysta sér ekki til þess á meðan eignaverð er enn að lækka," segir hún. „Þetta er andstætt við þá hagfræði sem hefur verið í gildi upp á síðkastið. Því getur verið erfitt að kyngja og menn ekki undirbúnir til að fara í slíkt," segir hún og bætir við að nú sé svo komið að ríkisstjórnir stærstu landa heims verði að setjast niður og móta samræmdar aðgerðir gegn kreppunni.

Edda Rós segir óvissuna helsta orsakavaldinn og séu þau töl sem áður hafi verið gripid til ekki virk. „Ríkjandi hugmyndafræði hefur víða verið sú að lækka skatta til að auka hagvöxt. Í raun má færa hagfræðileg

rök fyrir því að nú eigi ríkið að eyða annaðhvort skattpeningum eða skila með hallarekstri, því einkaaðilar treysta sér ekki til þess á meðan eignaverð er enn að lækka," segir hún. „Þetta er andstætt við þá hagfræði sem hefur verið í gildi upp á síðkastið. Því getur verið erfitt að kyngja og menn ekki undirbúnir til að fara í slíkt," segir hún og bætir við að nú sé svo komið að ríkisstjórnir stærstu landa heims verði að setjast niður og móta samræmdar aðgerðir gegn kreppunni.

BEDIÐ EFTIR LEIÐTOGUM

Edda Rós segir menn bera miklar væntingar til leiðtogafundar tuttugu stærstu iðnríkja heims – G20-fundarinnar – þar sem forsætisráðherrar og aðrir stjórnmalaleiðtogar hittast ásamt seðlabankastjórum í Lundúnum í Bretlandi 2. apríl næstkomandi.

Þegar var byrjað að leggja línurnar og hita upp fyrir fundinn á ársfundi Alþjóðaeftirfarisráðsins í Davos í Sviss í enda janúar og hafa menn lagt grunninn að því sem rætt verður um á leiðtogafundinum.

„Þarna munu menn væntanlega ræða um regluverk og umgjörð sem hjálpar til við að verðmeta eignir," segir Edda Rós. Hún telur sömuleiðis líklegt að rætt verði um samræmdar aðgerðir til bjargar bönkum og fjármála-fyrirtækjum.

„Margir telja að bankar séu meira eða minna með neikvætt eigið fé um allan heim. Þá er spurningin hvort tækt sé að setja aukið eigið fé í fyrirtækin eða skera niður skuldir í anda þess sem hafi verið gert hér heima," segir Edda Rós og bætir við að menn deili um ágæti aðgerðanna.

KRÖFUHAFAR TAKA SKELLINN

Fjármálasérfræðingar vestanhafs hafa upp á síðkastið rætt um að fara sænsku eða jafnvel finnsku leiðina til að bjarga fjármála-fyrirtækjunum. Edda Rós vill ekki útiloka að menn velji aðrar leiðir. Þegar Svíar og Finnar hafi gert upp banka sína í norrænu fjármálakreppunum á fyrri hluta tíunda áratugar síðustu aldar hafi aðstæður verið aðrar en nú og lánardrottnar fengið allar kröfur greiddar. Því sé ekki að skipta nú. „Nú eru menn að gíra öll kerfi niður og þá gerist það sjálfkrafa að eignir gufa upp á meðan skuldir sitja eftir líkt og hér. Þá má íhuga það alvarlega hvort kröfuhafar – skuldabréfaeigendur – eigi ekki að taka hluta skell síns og taka þátt í að borga brúsann," segir Edda Rós. Hún telur slíkt mögulega geta gengið eftir án alvarlegra eftirkasta fyrir alþjóðlegt efnahagslíf, enda séu allir kostir slæmir. Hins vegar verði að ná alþjóðlegri sátt um aðgerðirnar.

www.jongunnarsson.is



Opinn fundur um atvinnumál miðvikudaginn 11. mars kl. 20 á kosningaskrifstofu Jóns í húsi Kraftvéla að Dalvegi 6 í Kópavogi.

Atvinnumál eru forgangsmál

Eitt mikilvægasta verkefnið sem býður okkar nú er öflug uppbygging atvinnulífsins og atvinnutækifæra m.a. með aukinni nýtingu náttúruauðlinda til lands og sjávar. Grunnurinn að velferðarsamfélagi okkar er öryggi heimilanna og traust þeirra gagnvart framtíðinni. Atvinnuleysi skapar upplausn og óöryggi sem dregur allan mátt úr aukinni verðmætasköpun samfélagsins. Grunnstoðir íslensks atvinnulífs eru sjávarútvegur, iðnaður og ferðaþjónusta. Á þeim greinum byggjum við önnur og fjölbreyttari atvinnutækifæri.

Gestir fundarinnar eru:


Árni Bjarnason, form. Farmanna- og fiskimannasambands Íslands og Halldór Halldórsson, yfirmaður hjá Alcan.

Boðið verður upp á kaffi og meðlæti, allir velkomnir.

3
sæti

Jón Gunnarsson
Alþingismaður

Tryggjum Jóni Gunnarssyni 3. sætið í prófkjöri Sjálfstæðisflokksins í suðvesturkjördæmi 14. mars nk.



Hún segir sömuleiðis ljóst, að þótt aðgerðir sem þessar verði sársaukafullar fyrir skuldabréfaeigendur þá geti þær bundið enda á fjármálakreppuna fyrir en ella. „Þetta er spurning hvort menn vilja hryllilegan endi á kreppunni eða endalausn hrylling," segir hún.

ALLT TEKUR ENDA

Edda Rós tekur undir með Kenneth Rogoff, prófessor í Harvard og fyrrum aðalhaf fræðing Alþjóðagjaldeyrissjóðsins, að allar efnahagskreppur taki enda. Fjármálakreppur vari að meðaltali tæplega 2 ár þar til taki að sjá til sólar á ný. Atvinnuleysi vari oft lengur og tekur að meðaltali um 4,8 ár að draga úr því.

„Þetta fer allt eftir skilgreiningum á kreppu. Ég hef tilhneigingu til að skoða það út frá augum einstaklingsins og hef áhuga á því hvenær störfum tekur að fjölga á ný eftir samdráttarskeið. Sem hagfræðingur horfi ég hins vegar á hagvöxtinn," segir Edda Rós og bendir á að hér gegni nokkuð öðru máli en í öðrum löndum. Hagkerfið hér sé mjög sveigjanlegt sem geti hagað seglum eftir vindi. Hún nefnir sem dæmi að einkaneysla hafi dregist mjög hratt saman á fjórða ársfjórðungi í fyrri, eða um tæp 25 prósent. „Það sést ekki í stórum hagkerfum," segir hún.


„Við getum ekki leyst kreppuna hér fyrir en botn er kominn í alþjóðlegu kreppuna. Við getum þó allt eins búið við að vera fyrst upp úr henni. En það gerist ekki fyrir en heimurinn hefur náð viðspyrnu," segir Edda Rós.

Neikvæðir hagvísar

Vísendingar eru um viðvarandi samdrátt hjá sjö stærstu aðildarríkjum Efnahags- og framfarastofnunarinnar (OECD), samkvæmt mati sem birt var á föstudag.


Bandaríska dagblaðið Wall Street Journal segir hagvísana ekki hafa verið neikvæðari síðan í ölu kreppunni um miðjan áttunda áratug síðustu aldar. OECD tekur fram að ekki sé útlit fyrir að viðsnúnings gæti í allra nánustu framtíð.

Þá er tekið fram að sérstaklega hafi tekið að halla undan fæti hjá stærstu þjóðum heims sem standi utan við stofnunina, svo sem í Brasilíu, Kína, Indlandi og í Rússlandi. Hafi þau dregist niður í sveig vegna alvarlegs samdráttar og minnkandi eftirspurnar hjá ríkustu og



umsvifamestu þjóðum heims. Innflutningur hér dróst saman um 33 prósent eftir efnahags-hrunið á milli fjórðunga á fjórða ársfjórðungi í fyrri en útflutningur jókst um 1,5 prósent. Mælingu OECD á helstu hag-

vísu er ætlað að gefa upplýsingar um stefnubreytingar í hagsveiflum til skemmri tíma og gefa vísendingar um það hvort hagkerfi séu að vaxa eða dragast saman. Stofnunin tók tölurnar fyrst saman árið 1965.



Ríkar þjóðir hjálpa þeim efnaminni

Stjórn Alþjóðabankans greindi frá því á sunnudag að útlit sé fyrir að hagvöxtur muni dragast saman á árinu og muni milliríkjavíðskipti fylgja með niður í svelginn.

Bankinn gefur spána út fyrir fund fjármálaráðherra tuttugu umsvifamestu iðnríkja heims, sem haldinn verður í Lundúnum í Bretlandi um næstu helgi.

Bandaríska dagblaðið New York Times, sem segir þetta dekkstu hagspá sem sést hafi það sem af er ári, hefur eftir hagfræðingum bankans að þessir tveir þættir hafi ekki fylgst að síðan á árum seinni heimsstyrjaldarinnar. Síðan þá eru liðin rúm sextíu ár.

Alþjóðabankinn dregur upp afar dökka mynd af horfum heimshagkerfisins, segir að áhrifanna muni gæta langt út fyrir það sem áður var talið. Talið er til að undirmálskreppan, sem hófst fyrir tveimur árum með vanskilum bandarískra fasteignalántakenda, hafi undið svo upp á sig að nú bíti hún af krafti í þá sem síst skyldi, fátækustu þjóðir heims í Suður-Ameríku, Afríku og í SA-Asíu.

Þá kemur fram að ekki megi útiloka að alþjóðlegar lánastofnanir á borð við Alþjóðabankann og Alþjóðagjaldeyrissjóðinn muni ekki hafa burði til að koma öllum þeim til hjálpar sem leiti ásjár þeirra.

Blaðið segir Robert B. Zoellick, forstjóra Alþjóðabankans, hafa mælt til þess að ríkustu þjóðir heims taki höndum saman til hjálpar þeim sem minna megi sín og mæli hann með því að ríkustu þjóðir heims sammælist um



ROBERT B. ZOELICK Forstjóri Alþjóðabankans hefur víðað hugmyndir um stofnun sjóðs handa fátækustu ríkjum heims sem þær ríkustu leggi í. Innlegg þjóðanna er lítið brot af þeim björgunarpökkum sem þær samþykkja til bjargar eigin skinni.

MARKAÐURINN/AP

Atvinnuleysi eykst

Atvinnuleysi mældist 6,9 prósent í janúar innan þeirra 30 ríkja sem aðild eiga að Efnahags- og framfarastofnuninni (OECD), samkvæmt tölum sem birtar voru í vikunni. Þetta er 8,3 prósent aukning á milli mánaða en 1,3 prósent frá sama tíma í fyrra. Af einstökum hagsvæðum mældist atvinnuleysi 8,3 prósent á evrusvæðinu en 8,1 prósent í Bandaríkjunum. Aukningin er innan allra aðildarríkjana að Japan og Mexíkó undanskildum en þar

dróst atvinnuleysi saman um 4,3 til 4,6 prósent milli mánaða. Mesta atvinnuleysið var á Spáni, eða 14,8 prósent.

Tölur um atvinnuleysi hér eru ekki í upplýsingum OECD. Það mældist 6,6 prósent í mánuðinum, samkvæmt Vinnuálastofnun, sem er 32 prósent aukning frá í desember. Tölur sem þessar hafa ekki sést síðan í janúar 1995 en þá var atvinnuleysi 6,8 prósent. Á sama tíma í fyrra stóð atvinnuleysi í einu prósent.

- jaf



SÓTT UM VINNU Fólk á leið úr atvinnu-miðlun í Madrid á Spáni. Atvinnuleysi var þar mest innan aðildarríkja OECD í janúar, eða 14,8 prósent.

MARKAÐURINN/AP

stofnun bjargráðasjóðs til handa þeim fátækari, sem þau geti sótt í til stuðnings fyrirtækjum í nauðum. Verði draumar Zoellicks að veruleika munu ríkustu lönd heims leggja ákveðna upphæð í sérstakan sjóð, um 0,7 prósent, af þeirra eigin björgunarpakka.

Líkur eru á að nokkur lönd í Mið- og Austur-Evrópu, svo sem Pólland, Ungverjaland og Tékkland, geti sótt sér fé í sjóðinn. Þessi lönd hafa orðið fyrir verulegum skakkaföllum vegna samdráttar í útflutningi til Vestur-Evrópu samhliða því að aðgangur landanna að fjármagni hefur lokast.

ICELANDAIR
CARGO



LÍTILL FJÁRMAGNSKOSTNAÐUR

Ekki safna skuldum vegna fjármagnskostnaðar í vörum. Með flugfrakt sparar þú umtalsverð gjöld vegna fjármagnskostnaðar þar sem þú getur pantað minna inn í einu, með styttri fyrirvara og færð vöruna mun fyrr í hendur.

MIKILL FJÁRMAGNSKOSTNAÐUR

BEINT FRAKTFLUG – 24 ÁFANGASTAÐIR
Í EVRÓPU, BANDARÍKJUNUM OG KANADA.

WWW.ICELANDAIRCARGO.IS

MARKAÐURINN

Sögurnar... tölurnar... fólkíð...

Mikilvægt er að lykilmáttur sem tengjast hrúni efnahagslífsins geri hreint fyrir sínum dyrum.

Dularfullur auðkýfingur hverfur af sjónarsviðinu

Jón Aðalsteinn Bergsveinsson

Allt frá því að efnahagslífið hér fór á hliðina í október í fyrra hefur dómstóll götunnar farið húsa á milli í leit að vandfundnum sökudólgum. Erfitt er að greina hverjir það eru, hverjir luma á óhreinum mjóli í pokahorninu og hverjir hafa hreinan skjöld.

Dómstóllinn fékk kræsingar að kjamsa á um síðustu helgi þegar Morgunblaðið greindi frá umfangsmiklum lánveitingum venslaðra aðila hjá Kaupþingi. Lánin hljóðuðu upp á tæpa fimm hundruð milljarða króna, samkvæmt lánabók bankans í júní. Fátt annað hékk á spýttunni.

Sigurður Einarsson, fyrrverandi stjórnarformaður Kaupþings, sendi frá sér tilkynningu daginn eftir fréttaplutning af lánveitingum bankans. Hann sagði meðal annars, að í umfjöllun fjölmiðla hefði ekki verið gerð grein fyrir veðtryggingum fyrir umræddum lánum og frádrætti vegna þessa sem kveðið sé á um í reglum um stórar áhættuskuldbindingar.

„Meðal frádráttar má nefna handveð í peningainnistæðum og verðbréfum og skuldbindingar utan efnahagsreiknings. Þess vegna eru þær upphæðir sem tilgreindar eru í fréttinni marklausar enda voru áhættuskuldbindingar bankans til umræddra aðila mun lægri,“ segir Sigurður og bendir á að sömuleiðis hafi því verið ranglega haldið fram að umræddar lánveitingar hafi farið til eigenda bankans.

Þá telur Sigurður að verulegur hluti skuldbindinga Roberts Tchenguiz, eins af umsvifamestu viðskiptavinum bankans í Bretlandi, hafi verið vegna endurhverfra verðbréfavíðskipta og framvirkra samninga sem fjármagnaðir voru af öðrum bönkum, en Kaupþing hafi haft milligöngu um.

„Af umfjöllun síðustu vikna fæ ég ekki betur séð en að fjölmiðlum séu sendar kerfisbundið misvísandi upplýsingar um starfsemi Kaupþings,“ segir Sigurður einnig í tilkynningunni.

Sigurður dregur upp greinargóða mynd af því gríðarlega flókna starfi sem fram fór innan veggja Kaupþings fyrir hrún bankans, nokkuð sem leikmenn eiga erfitt með að skilja.

Aðrar lykilmáttur sem tengdust umfjöllun um lánveitingar bankans stígu ekki fram úr skugganum. Þær létu ekki í sér heyra og kusu að standa hljóðar hjá.

Vart má segja að þær hafi bætt hlut sinn.

Þvert á móti má ætla að þögnin haldi lífi í varðeldi dómstóls götunnar.

Edda Rós Karlsdóttur, hagfræðingur hjá Landsbankanum, bendir á í úttekt í Markaðinum í dag að skortur sé á trausti á fjármálamörkuðum. Það hefur lengi legið fyrir, en aukist fremur en hitt. Nauðsynlegt er að snúa þeirri þróun við.

Ein þeirra leiða er að þær lykilmáttur sem tengjast íslenska efnahagshruninu í fyrrihaust, stígi fram úr skugganum og geri hreint fyrir sínum dyrum. Aðeins þá verður andrúmsloftið hreinsað og vörður lagðar fyrir nýja framtíð. Þeir, sem halda sig í skugganum, tefja fyrir þeirri vegferð.

Viðskiptaþing 2009 hefst á morgun undir yfirskriftinni „Endurreisn hagkerfisins“. Líklegt má telja að það verði ólíkt þingum fyrri ára, jafnvel frábrugðið þinginu í fyrra þótt tekið hafi verið að halla verulega undan fæti á mörkuðum þá, bæði hér heima og erlendis. Eitt markmiða þingsins nú, er að skapa eftirsóknarverða en trúverðuga sýn sem felur í sér áherslur og markmið til lengri tíma, líkt og Finnur Oddsson, framkvæmdastjóri Viðskiptaráðs, segir í grein hér á síðunni. Hreinskilni og sannleikur ættu sömuleiðis að vera með í för, enda næringarríkt og hollt veganesti á langri leið.



AF ALÞINGI Greinarhöfundur segir skilvirkustu leið stjórnvalda til endurreisnar atvinnu- og efnahagslífinu að skapa eftirsóknarverða en trúverðuga framtíðarsýn sem felur í sér áherslur og markmið til lengri tíma.

Kreppan og leiðin fram á við

Þó svo hagfræðingar séu almennt ekki sammála um hvernig skilgreina beri efnahagskreppu, þá má segja að þar sé átt við langdreginn samdrátt efnahagslífs sem einkennist af falli í þjóðarframleiðslu og eftirspurn, gengisfalli gjaldmiðils, auknu atvinnuleysi, skorti á lánsfé og gjaldþrotum. Þó svo skammt sé liðið á íslensku kreppuna virðist þetta allt eiga ágætlega við um það ástand sem hér er að skapast.

Það er eðlilegt að einhverjir spyrji sig af hverju? Af hverju er kreppa? Um það má hafa mörg orð og rekja hagrænan aðraganda langt aftur í tímann. En til einföldunar má segja að kreppan, og afleiðingar hennar, sé fyrst og fremst til komin vegna þess að trúverðugleiki hagkerfisins hefur rýrnað. Einhverra hluta vegna hafa hagsmunaaðilar viðkomandi hagkerfis ekki sömu trú á því og áður og líta svo á að horfu þeirra til framtíðar hafi versnað. Vantrú af þessu tagi eykur líkur á flótta frá viðkomandi hagkerfi sem getur tekið á sig misunandi myndir. Þetta getur átt við um flótta fólks, sem leitar betri lífsskilyrða annars staðar, flótta fjármagns, í leit að öruggari ávöxtun og jafnvel fyrirtækja, sem leita hagfelldara rekstrarumhverfis og betri vaxtarshagkerfis. Ekkert af þessu er viðkomandi hagkerfi hagstætt.

Ávallt er þörf á góðu fólki, fjármagni og fyrirtækjum sem er efniviður verðmætisköpunar og um leið grunnstoðir þess velferðarkerfis sem flestar þjóðir leitast við að skapa.

ORD Í BEL

Finnur Oddsson
Framkvæmdastjóri
Viðskiptaráðs Íslands



LAND TÆKIFÆRA

Viðhorf eins og lýst er hér á undan, væntingar um verri framtíð, er stærsti vandi íslensks samfélags í dag. Í því kristallast verkfnið framundan, sem er að sannfæra alla þá sem eiga hagsmuni undir íslenska hagkerfinu, inn- og uttan, um að Ísland sé land tækifæra en ekki hnignunar. Þar kemur til kasta allra þeirra sem hér ráða för, sérstaklega stjórnvalda.

Skilvirkasta leið stjórnvalda að þessu marki er að skapa eftirsóknarverða en trúverðuga sýn sem felur í sér áherslur og markmið til lengri tíma.

Slík framtíðarsýn þarf að svara áleitnum spurningum um afstöðu stjórnvalda til afar mikilvægra málaflokka á borð við utanríkis- og peningamála, opinberra fjármála, áherslur í atvinnuuppbyggingu og umsvifa hins opinbera á atvinnumarkaði. Hvernig verður varanlegum efnahagslegum stöðugleika komið á? Á að halda krónunni eða skipta um gjaldmiðil? Hvaða gjaldmiðil? Verður sótt um aðild að Evrópusambandinu? Hvernig á að koma á jafnvægi í fjármálum hins opinbera? Hvar og hversu mikið verður skorðið niður? Hvaða áherslur verða í

skattlagningu á fyrirtæki og einstaklinga? Hvert á umfang þjónustu hins opinbera að vera og hver eiga umsvif þess að vera á atvinnumarkaði? Er eðlilegt að opinber fyrirtæki keppi við einkafyrirtæki? Er ríkið heppilegur eigandi fyrirtækja í atvinnurekstri?

Svör við þessum spurningum hafa áhrif á væntingar fólks og fyrirtækja til framtíðar á Íslandi. Hvort sem svörin fela í sér eftirsóknarverðar horfur eður ei, skiptir höfuðmáli að eyða sem fyrst þeirri umtalsverðu óvissu sem nú ríkir um ofangreind mál. Þannig er Íslendingum gert kleift að leggja á árarar af meiri vissu en annars er hægt og leggja þannig grunn til þeirri góður framtíð sem auðlindir Íslands gefa færi á.

LÝST EFTIR SKÝRRI STEFNU

Það er eðlileg krafa að stefna stjórnvaldaflökkanna í ofangreindum málum liggi fyrir í aðdraganda kosninga í apríl. Vissulega er þægilegt að ganga óbundinn til kosninga, en það væri hreinlega óheildarlegt gagnvart kjósendum og á skjön við þá lýðræðisvakningu sem nú er krafa um í samfélaginu. Viðskiptaþing í ár er haldið undir yfirskriftinni Endurreisn hagkerfisins – horft til framtíðar. Þar verður leitast við að fá svör við ofangreindum spurningum, frá sjónarhóli atvinnulífs og stjórnvalda. Svörin eru mikilvæg, því þau marka upphaf ferlis aðgerða sem trúverðugleiki stjórnvalda og endurreisn hagkerfisins mun byggja á.

ORÐSKÝRINGIN

Varin staða

Fyrirtæki geta varið stöðu sína vegna eigna eða skulda fyrir áhættu vegna gengisbreytinga með framvirkum samningum. Þannig getur til dæmis fyrirtæki í innflutningi séð sér hag í því að verjast geti það keypt vörur nokkrum áður en greiða þarf erlendum birgjum.

Ef fyrirtækið tekur inn vörur en þarf ekki að greiða fyrir en mánuði síðar fylgir því talsverð áhætta. Breytist gengið getur fyrirtækið annað hvort greitt minna eða meira fyrir vöruna, eftir því hvort krónan styrkist eða veikist.

Þá getur borgað sig fyrir fyrirtækið að verja sig fyrir þessari áhættu, að hluta eða öllu leyti. Það má gera með því að gera framvirkna samninga við fjármálastofnanir um kaup á ákveðinni upphæð í erlendum gjaldmiðli, á fyrirfram ákveðnu gengi og fyrirfram ákveðinni dagsetningu. Einnig er hægt að semja um kauprétt á ákveðinni upphæð.



Svipaðri aðferð er einnig beitt við kaup á verðbréfum. Þá getur fjárfestir samíð um söluverð á verðbréfum á ákveðnu verði og þannig takmarkað fyrirfram hugsanlegt tap af fjárfestingunni.

ÚTGÁFUFLAG: 365 miðlar ehf. RITSTJÓRI: Óli Kr. Ármannsson, olkr@markadurinn.is RITSTJÓRN: Jón Aðalsteinn Bergsveinsson, jonab@markadurinn.is AUGLÝSINGASTJÓRI: Jón Laufdal RITSTJÓRN OG AUGLÝSINGAR: Skaftahlíð 24, 105 Reykjavík AÐALSÍMI: 512 5000 SÍMBRÉF: 512 5301 NETFÖNG: ritstjorn@markadurinn.is og auglysingar@markadurinn.is VEFANG: visir.is UMBROT: 365 miðlar ehf. PRENTVINNSLA: Ísafoldarprentsmiðja ehf. DREIFING: Pósthúsið ehf. dreifing@posthusid.is Markaðinum er dreift ókeypis með fréttablaðinu. Markaðurinn áskilur sér rétt til að birta allt efni blaðsins í stafrænu formi og í gagnaböndum án endurgjalds.

FIRMA

CONSULTING

Ráðgjöf til fyrirtækja


Firma Consulting er óháð ráðgjafafyrirtæki sem sérhæfir sig í stórum og millistórum fyrirtækjum

Magnús Hreggviðsson viðskiptafræðingur og lög-giltur fyrirtækja-, fasteigna- og skipasali. Magnús er með áratuga reynslu af endurskoðunarstörfum, sem rekstrarráðgjafi, fyrirtækja- og fasteignasali, útgefandi, fasteignarekandi, „land-developer“ í Smárahvammí og starfandi stjórnarformaður í nokkrum fyrirtækjum. Er aðalráðgjafi hjá Firma Consulting. (magnus@firmaconsulting.is)

Firma Consulting, Þingaseli 10, 109 Reykjavík, GSM: (+354) 820 8800 og (+354) 896 6665, Fax: (354) 557 7766, Vefang: firmaconsulting.is

Perlan

Ein magnaðasta bygging Reykjavíkur á daginn.
Eitt besta veitingahúsið á kvöldin.



Tilvalið fyrir
árshátíðina!

Allt í steik

framlengt til 29. mars

4ra rétta seðill

1 HRÁSKINKA „PROSCIUTTO“
með fíkjum, salati og ferskum parmesanosti

2 RJÓMALÖGUÐ HUMARSÚPA
með humarfrauði

VELDU MILLI ÞRIGGJA AÐALRÉTTA

MARINERAÐUR KÁLFAHRYGGUR Á BEINI
með ristuðu grænmeti, kartöflumauki
og hunangskryddsósu (4.590 kr.)

3 ÖND
með appelsínusósu og kartöfluköku (5.590 kr.)

NAUTALUND
Béarnaise með grilluðu hvítlauksristuðu spínati
og sperglum (6.590 kr.)

4 LOGANDI CRÈME BRÛLÉE
með súkkulaði ís

Gjafabréf Perlunnar
Góð tækifærisgjöf!



Allt í steik
verð frá **4.590 kr.**

Nýr A la Carte hefst 30. mars!

Veitingahúsið Perlan - Sími 562 0200 - Fax 562 0207 - Netfang perlan@perlan.is - Vefur www.perlan.is



Drifing ehf.



LINDSAY



Garri

Dananar



Lambhagi



Egils



Globus

PERLU KAUP

MARLAND
FISKUR ER OKKAR FAG

A. KARLSSON
SÍÐAN 1975

BAKKUS

ora



CEVALIA

BANKAHÓLFID

Hitað upp

Forkólfar þess sem eftir lifir af íslensku viðskiptalífi eru þessa dagana að hita upp fyrir hið árlega Viðskiptaþing Viðskiptaráðs sem hefst á morgun.

Nokkrir framámanna viðskiptalífsins hafa sést upp á síðkastið taka á því í ræktinni. Greinilegt er að þar eru sumir á heima-velli. Aðrir sem þar hafa sést – pent sagt – hefðu mátt sýna fyrirhyggju og byrja æfingarnar fyrir hafi þeir ætlað að vera í formi fyrir þingið í ár.



Of miklar væntingar

Bandaríski fjármálaspekúlantinn Jim Cramer, einn af kunnustu álitsgjöfum vestan hafs um fjármálamarkaði og líklega einn líflegasti stjórnandi sjónvarpsþáttar um viðskipti, er svartsýnn á horfurnar fyrir hönd bandarískra hlutabréfaeigenda. Cramer birti nýtt verðmat í vikunni á netmiðlinum Street.com og játar þar mistök, sem fólust í of miklum væntingum til nýrrar ríkisstjórnar Baracks Obama, forseta Bandaríkjanna, sem hann taldi mundu kæta markaðinn og hífa verðið upp. Það gekki ekki eftir en veður óneitanlega upp minningar um greiningardeildir bankanna (fyrir ríkisvæðingu), sem sáu græna tíð fram undan í nær hverju mati allt fram undir það síðasta.



Lottómiðinn

Markaðurinn er ekki einn þeirra sem þverskallast við og neitar að endurskoða mat sitt. Fyrir nokkru var hér sagt frá einum gráglettnum sem taldi meiri vinningslíkur felast í kaupum á hlutabréfum Straums en lottómiða. Miðað við þróun mála í vikunni er nú orðið nokkuð jöfnu saman að líkja enda hlutabréf húmoristans hér um bil jafn verðmikil og Víkingalottómiði með tvær tölur réttar en enga bönustölu. Kunningi Markaðarins hefur nú dustað rykið af gömlum ramma sem hann keypti á gamla genginu í Ikea á síðustu útsölu og hengt útprentaða eignastöðu sína upp á vegg í vinnuherberginu við hlið ramma með bréfum Atorku, Existu, Glitnis, Kaupþings og Landsbankans.



33 milljónir evra, um 4,7 milljarðar króna, var sú upphæð sem Straumur átti að greiða á mánudag, þegar bankinn var tekinn yfir. Haldbært fé var um 15 milljónir evra, 2,1 milljarður króna.

7,2 milljarða króna tap varð fyrir afskriftir á síðasta ári hjá RARIK. Rekstrarhagnaður fyrir fjármagnsliði, skatta og afskriftir var um 1,9 milljarðar króna.

1,2 milljarða króna afgangur varð af lánasjóði sveitarfélaga á síðasta ári. Engu að síður niðurfærði sjóðurinn tæplega 1,5 milljarða króna vegna afleiðusamninga við Glitni.

Matfugl!

Lausfrystar kjúklingabringur

Einföld og fljótleg matreiðsla:
Hægt er að elda kjúklingabringurnar á fljótleigan og hollan hátt, beint úr frystinum. Kryddaðu eftir smekk og veldu einhvern af eftirfarandi möguleikum.

Á pönnu eða í potti:
Steikið bringurnar frosnar í örllitli olíu við meðalhita í 18-20 mínútur á hvorri hlið (kjámhiti 76°C). Þíddar bringur þurfa 9-13 mínútur á hvorri hlið.

Ófn:
Eldið frosnar bringurnar í smurðu eldföstu móti á 180°C (170°C í blástursófn) í u.þ.b. 45-60 mínútur (kjámhiti 76°C). Þíddar bringur þurfa 20-35 mínútur.

Grill:
Frosnar bringur skal grilla á hvorri hlið þar til þær eru gegnumsteiktar (kjámhiti 76°C). Gott er að setja þær svo inn í álpappír og láta biða í 3-5 mínútur þangað til þær eru bormar fram. Athugið að steikja kjötið alltaf í gegn og elda það ávallt við að minnsta kosti 76°C.

Matfugsbringurnar eru meðhöndlaðar á þann hátt að þær verði sem safarikastar eftir eldun.

Kjúklinga-bringur

SAMSUNG CLX-3160FN

LITA LASER-PRENTARI SKANNI OG LJÓSRITUN FAXTÆKI

SAMSUNG Á SKRIFSTOFUNA!

FRÁBÆRT FJÖLNOTATÆKI

LITA LASERPRENTARI: Upplausn: 2400 X 600 dpi
SKANNI OG LJÓSRITUN: Upplausn: 600 X 1200 (max 4800 X 4800)
FAXTÆKI: Leshraði: 3 sek þr/bils - Númeraminni: 30 beint
ALMENN: Pappirbakki inn/út: 150/100 blöð - Minni: 128 MB
TENGING: USB 2.0, Ethernet 10/100BaseTX

TILBOÐSVERÐ: 69.900,-
VERÐ ÁÐUR: 89.900,-

NÝR LITA LASER-PRENTARI

NÝR, NETTUR, HJÓÐLÁTUR OG SKARPUR LITA LASER-PRENTARI

Upplausn: 2400 X 600 dpi
Minni: 32MB
Hljódmagn: <49dB
Stuðningur: Windows, Mac OS 10.3.x og Linux
Tenging: USB 2.0

VERÐ: 39.900,-

NÝTT FJÖLNOTATÆKI

LASER-PRENTARI SKANNI, LJÓSRITUN

Laserprentari: Svart/hvítur
Prenthraði: 18 bls./mín.
Skanni og ljósrítun: Upplausn: 600x2400dpi
Stuðningur: Windows, Mac OS, Linux
Tenging: USB 2.0

VERÐ: 37.900,-

ORMSSON

SKRIFSTOFUVÖRUR · SÍÐUMÚLA 9 · SÍMI 530 2800